



Universitätsbibliothek Paderborn

Diplomatvm Belgicorvm Libri Dvo

Le Mire, Aubert

Brvxellis, 1627

71. Iolendis Marchionissa & Comitissa Namurcensis, ad Imperij
Constantinopolitani coronam, cum Petro marito suo, euocata, cedit
Philippo filio suo Comitatum Namurensem, an. 1216.

urn:nbn:de:hbz:466:1-10903

1216. Acta sunt hæc anno gratiæ millesimo ducentesimo sexto decimo, pontificatus nostri anno primo.

N O T A T I O N E S.

VALLIS DEI,) Gallicè *Vaux Dieu*, Flandricè *Godesdale*, sita est
medias inter silvas, in confinibus Ducatus Limburgensis & Co-
mitatus Dalhemiensis, in agro nobis Transmolano.

S. ENGILBERTVS) A. Colonensis & martyr, teste Cæsario, fuit
frater Adolphi Comitis Montensis ad Rhenum; cuius filiam & here-
dem duxit Henricus IV. Dux Limburgensis: ut supra lib. 1. cap.
88. & lib. 2. cap. 49. diximus.

C A P V T L X X I.

*Iolendis Marchionissa & Comitissa Namurcensis, ad Imperij Con-
stantinopolitani coronam, cum Petro marito suo, euocata,
cedit Philippo filio suo Comitatum Namurensem,*
an. 1216.

EGO IOLENDIS, Comitissa Antisiodorensis & Marchionissa Na-
mucensis, notum facio vniuersis præsentibus & futuris, quod
cum terram meam Namucensem, cum integritate feodi, dedissem
PHILIPPO filio meo in proprietate; retinui mihi de ipso feodo,
assensu eiusdem filij mei, in redditibus Binciensibus, quindecim li-
bras denariorum, annuatim conferendas ad voluntatem meam in
eleemosynam, & percipiendas omni anno in Purificatione beate
Mariæ.

Institui quidem Capellaniam perpetuam in ecclesiæ B. Albani
Namucensis altari, ante sepulcrum germani mei Philippi, quon-
dam Marchionis Namucensis, pro ipsius & mea, & viri mei Petri
Comitis Antisiodorensis, & parentum meorum salute. Beneficium
igitur illud conferendum semper facyt, qui in propria persona
prædicto altari deseruiat, in Missa pro fidelibus defunctis. Salua
semper illa Missa, quam prædictus germanus meus ibidem instituit
cum anno beneficio XV. librarum.

Hi verò duo Capellani Horis conuentualibus in eadem ecclesia
concentur

tenentur interesse: sed neuter eorum ad celebrationem maioris Missæ cogendus est.....

Satis dictus quippe filius meus, de tota terra Namucensi, cum integritate feodi, & dominio eiusdem terræ, bene & legitimè adheratus, satis dictæ Capellaniæ institutionem, modo quo prædictum est, approbavit, & sigillo suo, cum mei sigilli confirmatione, diligenter roboravit. Actum anno Verbi incarnati millesimo ducentesimo sexto decimo.

1216.

N O T A T I O .

Ex hoc diplomate datur intelligi, Iolentam, eiusque maritum Petrum Autisiodorensem, non nisi annis quattuor possedisse Comitatum Namurensem, & anno millesimo ducentesimo decimo sexto cessisse Philippo filio dictum Comitatum seu Marchiam Namurensem, paulò antequam Romā proficerentur, ad suscipiendam coronam Imperij Constantinopolitani ex manibus Pontificis Maximi. Quod nota contra Meierum, qui ad an. 1225. hæc refert.

C A P V T LXXII.

*Philipus illo nomine secundus Marchio Namurensis, Petri Imp.
Constantinopolitani & Iolendis Comitissæ Namurensis fi-
lius, Namurensem S. Albani ecclesiam dotat,*

an. 1221.

Ego PHILIPPVS Marchio Namucensis omnibus, tam futuris quam presentibus, paginam hanc inspecturis, notum facio, quod pro animabus PETRI bona memoria Imperatoris Constantinopolitani, patris mei, & IOLENDIS Imperatricis, matris meæ, & antecessorum meorum, ecclesiæ S. Albani Namucensis, in elemosynam perpetuam, affectu benigno, contuli omnes calceos, qui mihi debebantur omni anno, duobus terminis de stallagio Namucensi;

Saluis tamen illis calceis, qui de iure debentur Scabinis Namucensibus, & tribus horoscopis, duobus portarijs castri, & duobus præconibus ville, saluis quoque alijs calceis, si qui iudicio Scabini-
gum Namucenium alias de iure debeantur.

A a a

De